

續修四庫全書

《續修四庫全書》編纂委員會編

續修四庫全書

上海古籍出版社

一七九〇・集部・小説類

三國志通俗演義二十四卷（卷二至卷十八）〔明〕羅貫中撰

三國志通俗演義卷之二

目錄

董卓火燒長樂宮

袁紹孫堅奪玉璽

趙子龍磐河大戰

孫堅跨江戰劉表

司徒王允說貂蟬

鳳儀亭布戲貂蟬

王允授計誅董卓

李傕郭汜寇長安

李傕郭汜殺樊稠

曹操興兵報父讐

三國志通俗演義卷之二

晉平陽侯陳壽史傳

後學羅本貫中編次

董卓火燒長樂宮

却說三人殺敗呂布。正趕來時。張飛看見關上坐着董卓。遂拍馬趕到關下。關上矢石如雨。迺不得進而回。八路諸侯同請玄德關張作賀功蹟。使人報袁紹寨中。紹聞知大喜。遂移檄孫堅。令進兵。堅連夜引程普黃蓋直到袁術寨中相見。堅以杖畫地曰。董卓我本無讐。今番奮不顧身親冒矢石來決死戰者。上為國家討賊。下為將軍家門之私。而將軍却聽讒言。不發糧草。致令堅敗績。將軍何安。術惶恐無言。就令斬了進讒言之人。以謝孫堅。正欲宴間。人報堅曰。關上有兩騎馬來寨中。要見將軍。堅辭袁術。歸到本寨。喚來問時。乃董卓愛將李傕。堅曰。汝來何為。傕曰。丞相所敬者。惟將軍耳。昨日華雄誤相衝撞。丞相心

甚不安。今特使催來結親。丞相有女。欲配將軍之子。但有宗族子弟。連名保上。皆作郡守刺史。庶幾不失人才。堅大怒。叱曰。董卓逆天無道。蕩覆王室。吾欲盡夷九族。懸頭四海。以謝天下。如其不然。則吾死不瞑目。安肯與逆賊結親耶。吾不斬汝。汝當速去。卓獻關。饒你性命。倘若遲誤。粉骨碎身。李催抱頭鼠竄而出。回見董卓。說孫堅如此無禮。卓怒。問李儒。儒曰。溫侯新敗。兵無戰心。不若引回洛陽。遷

帝於長安。以應謠兆。近日街市小兒謠曰。西頭一個漢。東頭一個漢。鹿走入長安。方可無斯難。此言正應丞相旺在長安。具福之地也。西頭一個漢。乃高祖旺於西都長安。一十二帝。東頭一個漢。乃應光武旺於東都洛陽。今亦一十二帝。天運合回。丞相遷回長安。方可無急危矣。卓大喜。曰。非汝言之。吾實不悟。引溫侯呂布星夜回洛陽。商議遷都。聚文武於朝堂。卓曰。漢歷東都二百餘年。氣數已衰。吾

觀旺氣入在長安。吾欲奉鑾駕西幸。汝等各宜促裝耳。司徒楊彪出而言曰。關中殘破零落。今無故捐宗廟棄皇陵。恐百姓驚動。必有鼎沸之亂。天下動之至易。安之甚難。望丞相鑒察。卓怒曰。汝阻國家之大計耶。太尉黃琬出曰。楊司徒之言是也。往者王莽篡逆。始更赤眉之時。焚燒長安。盡為瓦礫之地。更無人民流移。百無一二。今棄官室而就其荒地。非所宜也。卓曰。關東賊起。天下播亂。若彼長安之地。有峭函文寒之險。更近隴右。木石磚瓦。堯日可辨。官室官府。不湏月餘。汝等再休亂言。司空荀爽諫曰。丞相若欲遷都洛陽。百姓皆危亡矣。卓大怒曰。吾為天下計。豈惜小民哉。爽曰。民為邦本。本固邦寧。若使遷都。民不聊生。自此天下危矣。卓曰。亂道。即日罷楊彪黃琬荀爽官職。貶為庶民。卓出上車。車前二人跪下。視之。乃尚書周毖。城門校尉伍瓊。卓問有何事。毖曰。今聞丞相欲遷都長安。故來

諫耳。卓大怒曰：「我始聽你兩個保用的人，今日皆反是汝等一黨。若不斬絕，必生後患。」叱武士拿出都門斬首。百姓莫不垂淚。卓下令遷都。來日便行。李儒曰：「今錢糧缺少，洛陽富戶極多，可收入官，坐做索紹等門下，殺其宗黨而抄其家資，必得巨萬。」卓大喜，即差鐵騎五千，遍行捉拏洛陽富戶，頭插旗，上寫「反臣逆黨」數千家，盡斬於城外，取其金資，將妻小分依衆軍而去。李傕、郭汜盡驅洛陽之民，數百萬口，前赴長安。每百姓一隊，間軍一隊，互相推拖，死於溝壑中者，不可勝數。及縱軍士淫人妻女，奪人糧食，飢餓自盡者，死屍遍野，啼哭之聲，震動天地。如有行得遲者，背後三千軍催督，軍手執白刃，於路殺人。卓臨起，先教諸門放火，焚燒居民房屋。帝并皇族上車，卓令放火，燒宗廟官府，南北兩宮，火燄相接，長樂宮庭盡為焦土。又差呂布、張楊先皇及后妃陵寢，取其金寶。軍士乘時，掘官民墳塚，

不留一墓。董卓裝載金珠段疋好物數千餘車。卓將趙岑獻了沂水關，孫堅驅兵先入。玄德關張殺入虎牢關，諸侯各引軍入。先說孫堅飛奔洛陽，遙望火燄冲天，黑烟鋪地，二三百里，並無雞犬人烟。堅先發兵救滅官中火，衆諸侯各於荒地上屯住軍馬。曹操來見袁紹曰：「今董卓西去，正可乘時追襲。本初按兵不動，何也？」紹曰：「諸兵疲困，進則無益。」操曰：「董卓焚燒宮室，遷劫天子，海內震動，不知所歸。此天亡之時也。一戰而天下定矣。諸公何疑而不進焉？」衆諸侯皆言不可輕動。操大怒而起曰：「豎子不足與謀。」遂自引兵萬餘，領夏侯惇、夏侯淵、曹仁、曹洪、李典、樂進、星夜趕董卓。卓正行間，榮音陽太守徐榮引兵出接。衆拜已畢。李儒曰：「丞相新棄洛陽，防有追趕者，可教徐榮伏軍馬於榮陽城外山塢音之傍。若有追兵放將過來，待我這裏殺敗，截住掩殺。今後來者，影也不敢望長安。」卓大喜，賞賜了

徐榮便教伏兵。卓令呂布引精兵過後。正行之間。曹操一軍赶上。呂布大哭曰。不出李儒之所料也。將人擺開。曹操出馬。大叫逆賊。遷天子從百姓。好生都留下。呂布罵曰。背主懦夫。豈足為道。夏侯惇挺鎗躍馬直出。惇與呂布戰不數合。李傕引一軍從側邊殺來。操急令夏侯淵迎敵。西邊又喊聲起。郭汜又引一軍殺到。操急令曹仁迎敵。三路軍馬。勢不可當。夏侯惇抵敵。呂布不住。飛回陣來。布引鐵騎掩殺。曹操軍大敗。回望滎陽而走。殘軍各自逃生。却纔聚集得三四十人。眾軍都到。呂布不赶。操軍就在荒山角下造飯。時約二更。月明如晝。軍士尚未得飯。山四圍喊聲。徐榮伏兵盡出。曹操急慌上馬。奔路而走。轉過山坡。正撞徐榮。轉身便走。榮搭上箭射中操肩膊。操帶箭逃命。蹇過草坡。兩個步軍伏於艸中。見操馬來。二鎗齊發。曹操翻身落馬。馬中二鎗先倒。二年槍住曹操。揪下草坡。忽一騎

馬到。月明中認得是曹操。兩刀砍死兩個步軍。急下馬。扶起操時。操箭傷痛。昏倒在地。那負將救醒曹操。視之。乃曹洪也。操曰。吾死於此矣。賢弟可速去。洪曰。主公上馬。洪急步行。操曰。賊兵赶上。汝却怎生。洪曰。天下可無洪。洪不可無主公。操曰。吾若再生。實汝之力。洪脫去衣甲。拖刀跟操馬走。約四更多。後面喊聲不絕。人馬趕來。操與洪正走。前面一條大河。後面追兵漸近。操曰。命已至此。不得復活。洪曰。主公下馬。脫去袍鎗。洪負主公渡水。操掙過大河。爬得上岸。後軍已到。隔水放箭。操帶水而走。方始天曉。約走二十餘里。土崗下少歇。喊聲起處。徐榮從上流渡河。一彪人馬趕來。曹操性命如何。

袁紹孫堅奪玉璽

徐榮赶上。正待要擒曹操。夏侯惇。夏侯淵。引數十騎也到。大喝徐榮。勿傷吾主公。榮便奔。夏侯惇挺鎗來迎。交馬數合。惇刺榮於馬下。

堅得璽。乃問程普。普曰。此傳國璽也。此玉是
 昔日春秋卞和於荊山之下。見鳳凰棲於石
 上。載而進之。楚文王。王解之。果得玉。和氏得
楚山中奉獻厲王。王使人相之曰石也。以
和為詐而刖其左足。及武王即位。和又獻之。
武王使人相之。又曰石也。又以和為詐而刖
其右足。文王即位。和乃抱其玉而哭于楚山
下三日。三夜。淚盡而繼以血。王聞之。使人問
其故。曰。天下則者多矣。子奚哭之悲耶。乃使
玉人理其璞而得玉焉。秦二十六年。令良工
琢為璽。李斯篆八字於其上。云受命於天。既
壽永昌。名曰傳國璽。二十八年。始皇狩至涇

三國志通俗演義 卷二

圖大事。堅曰：吾足知此實。正與汝合。來日托疾，辭衆回軍。商議已定，號令諸軍，勿泄漏。如違者斬。數中一軍，是袁紹鄉人，無由進身。連夜偷出營寨，來報袁紹。紹賞賜了，留之。次日，孫堅來，辭袁紹曰：堅抱小疾，欲歸長沙，特來別公。紹笑曰：吾知汝疾，乃害傳國璽耳。堅失色曰：本初何故出此言？紹曰：今舉大義，興兵討賊，為漢朝天下。王璽乃漢朝之寶，既然獲得，當對衆留於盟主之處，待誅了董賊，復歸朝廷。汝何收匿之而欲歸？必思反耶？堅曰：王璽豈在吾處？紹曰：建章殿井中之物何在？堅曰：吾本無之。汝來逼吾，將欲反耶？紹曰：早將出免自生禍。堅指天為盟曰：吾若果得王璽，不將與汝，冷吾不得善終，死於刀箭之下。衆諸侯曰：文臺如此說誓，想必無寶。紹喚軍出，曰：打撈之時，有此人否？堅大怒，拔所佩之劍，要斬軍士。紹曰：汝斬軍人，乃欺我也。紹亦拔劍來殺孫堅。堅揮劍迎之。紹背後顏良、文醜

皆拔劍而出。堅後程普、黃蓋、韓當亦掣刀在手。衆諸侯一齊攔住，曰：昔日登壇設盟歃血，共舉大義，豈可自相吞併乎？勸開兩個。堅隨即上馬，拔寨便起，離洛陽而去。紹怒曰：得寶而去，將欲自霸耶？遂寫書一封，差心腹人連夜往荊州，送與荊州刺史劉表，教就路上截住而奪之。比及發書起程，人報曹孟德追卓戰於滎陽，大敗而回。紹遂令人迎接。紹會衆諸侯置酒設宴，與曹操解悶。操於席上言曰：吾始興大義，為國除賊。諸侯既仗義而來，却不聽吾計。初吾欲使渤海引河內之衆臨孟津。先時渤海太守袁紹與王匡屯兵于河內。酸棗諸將。劉岱、張邈、鮑信、橋瑁。守城臯，據厥倉，塞輜轅。音還。太谷制其險要。袁將軍率南陽之軍，住丹析，入武關，以震三輔。皆深溝高壘，勿與戰。益為疑兵，示天下形勢，以順誅逆，可立定也。今持疑而不進，大失天下之望。竊為將軍恥之。紹等無言可對。既而宴散，搃見紹等，各懷異心。度料

不能成事。自領軍投揚州去了。公孫瓚與玄德曰：袁紹無能為也。久必有變。吾等且歸。遂拔寨北行。到平原。令玄德為平原相。自去守地。養軍。兗州刺史劉岱問東郡太守橋瑁借糧。瑁推辭不與。岱連夜引軍突入瑁營。殺死橋瑁。盡降其兵。袁紹見眾人各自分散。就引兵拔寨離洛陽。去投關東。却說荊州刺史劉表字景升。山陽高平人也。年幼時結交漢末名士。有七人為友。時號江夏八俊。那七人。廼汝南陳翔字仲麟。同郡范滂字孟博。魯國孔昱字世元。渤海范康字仲真。山陽檀敷字文友。同郡張儉字元節。南陽岑暄音直字公孝。表身長八尺有餘。姿貌甚偉。乃漢室宗親。劉歆之後。為荊州刺史。時有延平郡人蒯良弟越。襄陽人蔡瑁。一同扶助。當時收得袁紹書。說孫堅盜去漢朝傳國之寶。走回江東。望截其路而奪之。表素與袁紹至好。隨即差蒯越。蔡瑁引兵一萬來截孫堅。堅軍馬已到。蒯越將

陣擺開。當先出馬。孫堅引軍馬立在門旗下。問曰：蒯英度英度越表字何故引兵截我去路。越云：汝既是漢朝臣宰。如何盜去傳國寶而歸。疾忙留下。好眼相看。堅怒曰：汝乃何人。敢來問我言未畢。黃蓋挺鎗便出。蔡瑁舞刀來迎。閉不數合。黃蓋提鞭去打蔡瑁。瑁急閃。正中後心。護心鏡打缺一半。瑁撥回馬走。孫堅乘勢殺過界口。日已平西。山後閃一彪力生軍人來到。為首一將出馬。乃是劉表也。孫堅就

馬上施禮曰：景升何故信袁紹之書。相逼鄰郡也。表曰：汝匪傳國寶。將欲反漢耶。堅曰：吾若有此物。死於刀箭之下。表曰：汝若要吾聽信。須隨軍行李。任吾搜過。堅怒曰：汝有何見。敢小覷我。拍馬衝進。劉表便退。堅趕將去。黃昏左側。兩山後伏兵齊起。背後蒯越蔡瑁趕來。把孫堅圍在垓心。性命如何。

趙子龍磐河大戰

孫堅當晚被劉表圍住。得程普黃蓋韓當三

將左衝右突。死戰得脫。折兵太多。孫堅連夜引軍回江東。劉表回荊州。以書報紹。自此孫堅與劉表結冤。却說袁紹屯兵河內。缺少糧草。冀州牧韓馥遣人送糧。以資軍用。有客逢紀。說紹曰。大丈夫縱橫天下。何待人送糧為食。冀州廼錢糧廣盛之地。將軍何不取之。紹曰。未有良策。逢紀曰。可暗使人持書與公孫瓚。令瓚進兵取冀州。虛言夾攻。瓚必與兵。韓馥無謀之輩。必請將軍領州事。就中取事。唾手而得。紹大喜。即發書到瓚處。瓚開讀。意云。共取冀州平分。瓚喜。即日興兵。紹却使人密報韓馥。馥慌。聚荀諲音臣郭圖二謀士商議。諲曰。公孫瓚將燕代之衆。長驅而來。其鋒不可當。兼有劉備關張助之。冀州指日休矣。今本初智勇過人。手下名士。健將極廣。更兼布恩於四海。天下敬之。當世之豪傑也。將軍可請本初同治州事。彼必厚待將軍。視公孫瓚如兒戲耳。韓馥即差別駕關純。去請袁紹。長史

耿武諫曰。袁紹孤客窮軍。仰我鼻息。言其易也。謂鼻中之氣息。譬如嬰孩在股掌之上。絕其乳哺。立可餓殺。奈何欲以州事委之。此是引虎入羊羣耳。馥曰。吾乃袁氏之故吏。才能又不如本初。古人尚擇賢者而讓之。諸君何嫉妬焉。耿武等皆嘆曰。冀州休矣。其棄職而去者三十餘人。獨耿武關純。伏於城外。以待袁紹。數日。請紹至。耿武關純拔刀而出。欲刺殺紹。紹車前顏良立斬耿武。文醜斫死關純。紹入冀州。以馥為奮威將軍。安民用賢。以田豐沮授許攸逢紀。分掌事務。盡奪韓馥之權。馥欲悔時。手下無一人矣。馥怨袁紹。棄下老小。單馬去投陳留太守張邈。却說公孫瓚知紹已霸冀州。遣弟公孫越來見袁紹。欲分冀州。紹曰。可請汝兄自來。吾乃有商議。越辭紹歸。行不到五十里。道傍擁出一彪軍馬。口稱。吾是董丞相家將也。亂箭射死公孫越。從人逃命回見公孫瓚。報越已死。公孫瓚大怒曰。汝教我起兵

奪韓馥。就裏取事如此。今又詐董卓兵射死吾弟。此寃如何不報。盡起本部軍兵殺奔冀州來。紹知瓚兵來。領一軍出。二軍會合於磬河之上。紹軍於磬河橋東布陣。瓚軍於橋西布陣。瓚乃立馬於橋上。大呼曰。背義之徒。何為不見。紹亦策馬至橋邊。指瓚曰。韓馥無才可守冀州。愿讓與吾。爾何不平耶。瓚曰。昔日洛陽以汝為忠義之人。推為盟主。今之所為。真狼心狗行之徒。尚有面目立於天地之間。

袁紹大怒曰。誰可以擒之。文醜策馬挺鎗直殺上橋。公孫瓚就橋邊與文醜交鋒。戰不到十餘合。瓚當抵不住。撥回馬便走。文醜乘勢追趕過橋。瓚走入陣中。文醜飛馬迤入中軍。如入無人之境。往來在陣中追趕。瓚手下健將。四負齊戰。被文醜一鎗刺一將下馬。三將奔走。文醜直將公孫瓚趕出陣後山谷而逃。文醜驅馬厲聲大叫。快下馬受降。瓚方箭盡落頭。盔墜地。披髮縱馬。却轉草坡。其馬前失。

瓚翻身墜於坡下。文醜急捻鎗來刺。看看來近。草坡左側轉出一將。馬上須無鎧甲。撚鎗直取文醜。兩馬相交。如花似錦。公孫瓚扒上坡去。看那個少年。大戰文醜五六十合。勝負未分。瓚部下救軍到。文醜撥回馬去了。那少年也不趕去。公孫瓚忙下土坡。問及姓名。其人身長八尺。濃眉大眼。闊面重頤。相貌堂堂。威風凜凜。常山真足人也。姓趙名雲。字子龍。瓚曰。將軍自何來。救我一命。雲曰。某本袁紹

轄下之人。今見袁紹無匡國救民之心。特來相投麾下。不期此處相見。瓚執雲手曰。聞貴郡之人。皆願傾心以投袁紹。公何獨回心見某也。雲曰。方今天下滔滔。民有倒懸之危。雲願從仁義之主。以安天下。非特背袁氏以投明主。瓚大喜。遂同歸寨。整頓甲兵。次日。一色白馬二千匹。哨到界橋。布成陣勢。瓚將軍馬分作兩隊。列於步兵之側。勢如羽翼。左右馬五千餘匹。其中大半皆是白馬。因公孫瓚多

與羌胡戰。盡選白馬為先鋒。璠為白馬將軍。羌胡但見白馬便走。因此白馬多。紹令顏良文醜為先鋒。各引弓弩手一千。分作左右。令在左者射公孫瓚左。在右者射公孫瓚右。中間麴義引八百弓弩手。步兵一萬五千。列圓陣勢於中。袁紹自引馬步軍數萬於後接應。瓚初得趙雲。不知心腹。另領一軍在後。瓚遣大將嚴綱為先鋒。瓚自領中軍。立馬橋上。傍豎大紅圈金線。帥字旗於馬前。從辰時擂鼓直到巳時。紹軍不進。麴義令弓手皆伏於遮箭牌下。璠令勿動。嚴綱鼓譟吶喊。直取麴義。義見嚴綱軍到。皆伏而不動。彷彿有數十步遠。一聲砲響。八百弓弩手一齊俱發。綱急待回。麴義拍馬起刀。斬嚴綱於馬下。瓚軍大敗。左右軍欲來。被顏良文醜一齊射住。中軍並起。直殺到界橋邊。麴義馬到。先斬執旗將。公孫瓚見砍倒繡旗。戰麴義不退。回馬下橋而走。麴義引軍直衝到後軍。一將引五百軍不

動。于中挺鎗躍馬直取麴義者乃常山趙子龍也。截住麴義。戰到十餘合。一鎗刺麴義於馬下。趙雲一騎馬飛入紹軍。左衝右突。如入無人之境。公孫瓚引軍殺回。紹大敗。迺趕過橋去。紹軍東西亂竄。雲在前。瓚在後。迺趕殺入陣後。袁紹先使探馬看時。回報。麴義斬將奪旗。追趕敗兵。因此紹不準備。只引帳下持戟軍士數百人。弓箭手數十騎。與田豐在馬上呵呵大笑。曰。公孫瓚無能之輩。正說之間。忽有趙雲衝到面前。弓箭手急射。瓚軍團圍圍定。田豐慌對紹曰。矢如雨下。主公且於空牆中躲避。紹以兜鍪撲地。大呼曰。大丈夫臨陣陣死。豈可入牆而望活乎。眾軍士齊心死戰。趙雲衝突不入。後面袁紹大隊掩至。瓚同趙雲回。左顏良軍到。右文醜軍到。三路併殺。趙雲保着公孫瓚殺透重圍。復到界橋。紹驅兵大進。又趕過橋。落水死者不計其數。兩邊軍盡投河中。屍首填平。袁紹當先趕過

孫堅跨江戰劉表

衆將趕來。死救袁紹過橋去了。公孫瓚收住軍馬。衆人歸大寨。玄德、關張動問畢。瓚曰：「若非玄德遠來救我。幾乎狼狽。」教與趙雲相見。玄德甚相愛敬。便有不捨之心。却說袁紹輸了一陣。堅守不出。兩陣相拒月餘。有人來長安報此事。李儒來見董卓。卓自到長安。自稱太師。位居諸侯之上。出入乘金花皂蓋車。李儒對卓曰：「袁紹與公孫瓚。乃當今之豪傑。見在磐河廝殺。宜假天子之詔。差人往和解之。」

馬太傅與趙太僕以周召之德銜命來征。宣揚朝恩。示以和睦。曠若開雲。見日何喜。如之。昔賈復寇恂亦爭士卒。欲相危害。遇光武之寬。親俱陞見。同與共出。時人以為榮。自省邊鄙。得與將軍共同此福。此誠將

軍之眷而瓚之幸也。建武二年丙戌秋賈復南擊召陵新息平

之復部將數人于頔川太守寇恂捕得繫獄時尚草創軍營犯法率多相容恂猶戮之於市復以爲恥過潁川謂左右曰吾與寇恂並列將帥而爲其所陷今見恂必手劍之恂知其謀不與相見妙于谷崇曰崇將也得帶劍侍側卒有變之以相當恂曰不然昔蒯相如不畏秦王而屈於廉頗者爲國也乃勅縣屬盛供具饗酒醉執金吾軍入界一人皆燕兩人之饌恂出迎于道稱疾而還復勒兵欲擊之而士恂至皆醉遂過去恂遣崇以狀聞帝乃徵恂恂至引見賈復先在座起相避帝曰天下未定兩虎安得私聞今日朕令之于是並坐極憚遂共車同出結友而去

紹得書甚喜次日馬趙二人到瓚營各宴數

日送二人還朝。瓚表玄德平原相。朝廷准奏。瓚班師回。趙雲與玄德分別。玄德執雲手垂淚。不忍相離。雲嘆曰。某曩日將謂公孫乃當世之英雄。今觀所為。袁紹等輩耳。玄德曰。將軍且堅心事之。相見有日。洒淚而別。玄德遂回平原。公孫瓚同趙雲去了。却說袁術在南陽。聞袁紹新得冀州。遣一使往來求馬千匹。紹不與一騎。術大怒。自此兄弟不睦。又遣一使往荊州。問劉表借糧二十萬。表不與一粒。術恨之。密遣人遺書與孫堅。書曰。

異日奪印截路。乃吾兄紹之謀也。今紹又與表相議。起兵欲取江東。吾不忍言。公可速興兵取荊州。吾當與助。夾攻袁紹。二書可報。汝得荊州。吾取冀州。切勿悞也。

堅得書。曰。時耐劉表。昔日斷吾歸路。今不乘時報恨。又待何年。聚帳下程普。黃蓋。韓當等。商議。程普曰。袁術多詐。其言未可准信。堅曰。吾自欲報讐。豈可望袁術之助乎。於是差黃

蓋先來江邊。安排戰船五百隻。多裝軍器糧草。大船載馬。克日興師。江中細作探知。來報劉表。表知大驚。急聚文武將士商議。謀士蒯良。蒯越。蔡瑁等。侍立左右。表曰。今孫堅報舊恨。將及起。奈何。蒯良曰。不必憂慮。可令黃祖部領江夏之兵為前驅。主公率荊襄之眾作援。堅跨江涉湖而來。安能耀武揚威乎。表用其謀。令黃祖設備。隨後便起大軍。却說孫堅有四子。皆吳夫人之所生。長子名策。字伯符。次子名權。字仲謀。三子名翊。字叔弼。四子名匡。字季佐。吳夫人妹孫堅次妻亦生一兒一女。子名朗。字早安。女名仁。堅又過房俞氏一子。名靜。字公禮。堅有一弟。名靜。字幼臺。堅臨登程。靜引諸子列拜於馬前。而諫曰。今董卓專權。天子懦弱。海內大亂。各霸一方。江東方始稍寧。以一小恨而起重兵。非所宜也。願兄詳之。堅曰。非汝所知也。吾誓縱橫天下。濟世安民。有讐不報。豈可握手待死也。遂不聽諫。

長子孫策曰。願隨父親同往。堅曰。此子自幼英氣過人。可隨我領兵。權與叔父善保江東。策上船前奔樊城。黃祖伏弓弩手於江邊。布精兵于後。見船傍岸。亂箭俱發。堅令諸軍不可乱放一箭。只伏於船中。來往誘之。一連三日。船數十次傍岸。黃祖軍箭盡。却拔船上所得之箭。十數萬枝。當日正值順風。堅令眾軍士一齊放箭。岸上支吾不住。喊聲大舉。南軍登岸。程普黃蓋分兩路兵直取黃祖營寨。背後韓當於中大進。三面夾攻。祖兵大敗。棄樊城而走。堅令兵追襲。黃祖走鄧城。堅令黃蓋守住船隻。堅直取黃祖。祖引軍出迎。布陣於野。孫堅列成陣勢。引眾將出在門旗之下。孫策也全副披掛。挺鎗立馬于父之側。黃祖引二將出馬。一個是江夏張虎。一個是襄陽陳生。這兩個當初反在江夏。後投劉表。以為上將。黃祖揚鞭大罵。江東鼠賊。安敢侵犯漢室宗親之境界耶。言罷。張虎拍馬。手搥銅叉而

出。堅大怒曰。誰能斬此賊將。韓當應聲而出。兩騎相交。戰三十餘合。勝負未分。陳生見張虎力怯。飛馬挺鎗出陣。要來双鬥。孫策在父後望見。按住手中鎗。扯弓搭箭。正射中陳生面門。應弦落馬。張虎見側邊陳生墜地。措手不及。被韓當一刀削去半個腦袋。程普縱馬直來陣前捉黃祖。黃祖棄却頭盔戰馬。裸於步軍內逃命。孫堅掩殺敗軍。直到漢水上。面撲黃蓋船隻放於漢江。黃祖聚敗軍。來見劉表。說堅勢不可當。表慌請蒯良議曰。黃祖兵敗。挫動銳氣。兵無戰心。只可深溝高壘。以避其鋒。却潛地令人求救於袁紹。此圍自可解矣。瑁曰。子柔之言。真拙計也。兵臨城下。將至壕邊。豈可束手而待其死。某雖不才。愿請軍出陣。劉表許之。蔡瑁引軍萬餘。出襄陽城外。於峴山布陣。孫策將得勝之兵。長驅大進。蔡瑁出馬。堅曰。此人是劉表後妻兄也。誰與吾擒之。程普挺鐵脊蛇矛出馬。與蔡瑁交鋒。戰

不到數合。蔡瑁逃命遶回陣中。堅驅大軍殺得屍橫遍野。敗軍跟隨蔡瑁逃入襄陽。蒯良言瑁不聽良策。以致大敗。按軍法當斬。劉表以新娶其妹。不肯加刑。人報孫堅分兵四面圍住襄陽。蒯良一面撥兵固守城池。一面寫告急文書。令人去投袁紹。且說孫堅打城數日不下。忽一日。狂風驟起。將中軍帥字旗竿吹折。程普曰。此不祥之兆也。迺來帳下見孫堅曰。中軍帥字旗竿被風吹折。於軍不利也。可暫班師。堅曰。吾累戰累勝。取襄陽只在旦夕。豈可因風折旗竿而罷兵。韓當曰。此旗乃軍中之主。亦不可輕易。堅曰。風乃天地呼吸之氣。方今隆冬。朔風暴起。折斷大旗。何足為恠。吾平生用兵。不信此等異事。只理會得攻城。却說城中蒯良來對劉表言曰。某夜來仰觀。見一將星欲墜地。以分豎度之。必應孫堅也。上袁紹書。已寫就。主公當問誰可突圍而出。表問之。皆下一人應聲而出。表視之。健將

呂公也。良曰。汝既敢去。可聽吾計。與汝馬軍五百。多帶能射者。汝衝出陣去。可奔峴山。他必將軍來趕。汝分一百人上山。尋石子準備。一百人執弓弩伏於林中。但有追兵到時。不可迺走。週楚引到埋伏之處。矢石俱發。若能斬將降兵。放起連珠彈砲。城中便出接應。如無追兵。不可放砲。趨程而去。今夜月不甚明。黃昏便可出城。呂公領了計策。拴束軍馬。蒯良調撥四門聽瑞接應。當夜黃昏。城上望東南角無甚人馬。密開東門。縱呂公軍馬出城。到前寨迺過去。孫堅在帳中忽聞喊聲。急上馬。引三十餘騎。飛星趕到東南角時。軍士說有一虜人馬殺將出來。望峴山而去。堅不報諸將。只引三十餘騎趕來。呂公已於山林叢雜去處。上下埋伏。堅馬快。單騎獨出。前軍不遠。堅大叫休走。呂公勒回人馬來戰。孫堅交馬只一合。呂公便走。閃入山路來。堅拍馬追趕呂公。見路交襟。不知去處。堅欲上山。山上